

К ОПУБЛИКОВАНИЮ

КОМИ РЕСПУБЛИКАЛӦН ОЛАНПАС

«Коми Республика мутасын организацияслӧн эмбур вылӧ вот йылысь» Коми Республикаса Оланпаслӧн 5 статьяӧ вежсьӧмъяс пыртӧм йылысь

Примитӧма Коми Республикаса
Каналан Сӧветӧн

2022 вося ӧшым тӧлысь 22 лунӧ

1 статья. Пыртны «Коми Республика мутасын организацияслӧн эмбур вылӧ вот йылысь» Коми Республикаса Оланпаслӧн 5 статьяӧ (Коми Республикаса канму власьт органъяслӧн индӧд-тшӧктӧмъяс, 2004, 3 №, 3050 ст.; 2006, 7 №, 4486 ст.; 2007, 11 №, 5152 ст.; 2014, 27 №, 512 ст.; 2018, 7 №, 119 ст.; 17 №, 307 ст.; 2019, 19 №, 281 ст.; 2020, 7 №, 90 ст.; 18 №, 300 ст.; 2021, 3 №, 46 ст.; 17 №, 311 ст.; 2022, 9 №, 131 ст.; «Коми Республикаса канму власьт органъясӧн примитӧм инӧда актъяс, мукӧд официальной юӧр лыддьӧг» сетевой издание (<http://law.rkomi.ru/>), 2022 вося вӧльгым тӧлысь 30 лун) татшӧм вежсьӧмъяс:

1 юкӧнын:

1) 10 пунктн «оперативнӧя веськӧдлан инӧд вылын)» кывъяс вежны «оперативнӧя веськӧдлан инӧд вылын);» кывъясӧн;

2) содтыны татшӧм сюрӧса 11 пункт:

«11) вузӧс суйӧр сайӧ нуысь организацияяс, кодъяслӧн экономикаын медшӧр удж сикасӧн (кутшӧмӧс сикасалӧны ОК 029-2014 Экономикаын удж сикасьяслӧн ставроссияса классификатор серти (КДЕС 2 ред.) удж сикасьяслӧн кодъяс подув вылын) лоӧны 16.10 «Пу пилитӧм да стружитӧм», 16.21.1 «Фанера, пуысь фанерованнӧй панельяс да сэтшӧм жӧ слӧя материалъяс, пуысь да мукӧд пу кодъ лоӧм материалысь пуысь плитаяс вӧчӧм», 16.29.1 «Пуысь мукӧд изделие вӧчӧм», да кодъяс дугдывтӧг сулалӧны учёт вылын Коми Республика мутасын вот органъясын организациялӧн меститчанін серти 2022 вося вот период чӧж.

Тайӧ пунктлӧн медшӧр могъяс вылӧ:

вузӧс суйӧр сайӧ нуӧмсӧ индӧны 2022 вося 1 кварталысь содтӧд дон вылӧ вот серти вот декларацияын вузӧс вузалӧм серти операцияссӧ петкӧдлӧмӧн, мый серти вотсӧ перйӧны Россия Федерацияса вот кодексн 164 статьяса 1 пунктлӧн 1 пунктвса мӧд абзац да (либӧ) 1¹ пунктв серти вот ставка серти, мыйӧн вӧдитчӧм подулалӧмсӧ эскӧдӧма Россия Федерацияса вот кодекслӧн 165 статьяӧн урчитӧм пӧрадокын;

экономикаын медшӧр удж сикасьяссӧ индӧны медшӧр удж сикаслӧн код серти, мый йылысь юӧрсӧ пыртӧма Юридической кывкутысьяслӧн ӧтувъя канму реестрӧ 2022 вося тӧвшӧр тӧлысь 1 лун вылӧ.».

2 статья. Тайö Оланпасыс вынсялö сійöс официальнöя йöзöдан лунсянь да сыön вöдитчöны инöда йитöдьяс серти, кутшöмьяс йитчöмаöсь 2022 вося вот перьян периодысь организацияслөн эмбур вылö вот арталöмкöд да мынтöмкöд.

Коми Республикаса Юралысь

В.В. Уйба

Сыктывкар
2022 вося öшым тöлысь 26 лун
116-РЗ №